



**Assartuineq Pillugu Isumaqatigiissitaq
Transportkommissionen
Postboks 909
3900 Nuuk**

Att. Christen Sørensen, siulittaasoq

Nuuk, 18. Februar 2010

Sammissaq: Assartuineq Pillugu Isumaqatigiissitaq – Sulinermi/Takorluukkaanut najoqqutassatut tusarniaassutigineqarnerat.

Nunaoil A/S-ip najoqqutassatut tusarniaassutigineqartoq februaarip 2-ni 2010 ullulernerqarsimasoq soqutigalugu misissorsimavaa tassungalu atatillugu matuminnga ilanngussaqaarniarluni.

Kap. 6 Umiarsualiviit ilusiligaanerat:

Siunissami umiarsualiviit ilusissaat eqqarsaatigalugu pisariaqarpoq ataatsimiititaliap sulineranut atatillugu piffinni/illoqarfinni immikkuutaartuni attaveqarnikkut ineriartortitsinissaq, tassani eqqaarsaatigineqarput umiarsualiviit pioreersuut siunissami nunatsinni uuliasiornermut atatillugu kiffartuussisinermi aallaavittut anguniarneqarnissaat.

Attaveqarnikkut umiarsualivilimmik eqqarsaatigilluagaasumik ineriartortitsineq nunatsinni uuliasiornermik ineriartortitsinermi qitiulluinnarpoq. Umiarsualivinnik kiffartuussinermik aallaaviusinnaasunik Kitaata sineriaani inissitserilluarneq suliffeqarfiit pioreersut saniatigut suliffeqarfinnik sulisunillu nutaanik inerisaaviussaavoq. Assersuutigalugu umiarsualivimmik kijasissumik inissiineq Kujaataani uuliasiornermi kiffartuussinermi aallaavittut saniatigut Newfoundlandimi umiarsualivimmut unammillersinnaavoq.

Tamatumalu saniatigut iluaqutissarpassuaqarluni, tassami attaveqarnikkut umiarsualivilimmik aaqqissuussilluarneq siunissaq ungasinnerusoq eqqarsaatigalugu uuliasioritseqatigiiffiit ujarlernerannut, qalluivilornerannut qalluinerannullu atatillugu aningaasartuutitut annikillisaataasussaagami taamaalillunilu uuliasiornermik ingerlatsitseqatigiiffinnut nunatsinni ingerlatsinissamut orniginarne-rulissalluni.

Isumaliutersuummi kakkigussami Sermitsiami 8. Januar 2010 saqqummersumi nunatsinni uuliasiornerup siunissami qanoq isikkoqarsinnaanera sammineqarpoq tassanilu aamma erseqqissarneqarluni attaveqatigiissaarneq nunatsinni uuliasiornermut atatillugu qanoq pingaaruteqartigisoq.